

Better's Sprüche 2004

Unner Perle döss is a so a Held ,
da hot uns a ganz schönna falln gstellt.
Nachn Büschla hulln wollt da nochma unbedingt zu die weiber hie laaf
Ha hot da uns vom Bürrner Wold durchn grösstn Sumpf aufn Bärwach gejacht.
Nach zwä stunn mit Kompas un Spurn lasn homme uns gedacht mir wern se doch bald finden
Doch nix wors die standn nämlich schö in Velsdorf an dä Lindn

VIVAT

Wenns langsam aufn Winte zu get,
dä Ött sei Wärtshaus aufpeppt,
wenn a ganzä haufn Leut wache enna Fichtn nein Wold nei renna
un a wochn spatä die Büschla a noch u brenge
wenn dä Alkoholkonsum un die Stimmung steigt
dann is in Velsdorf Kermeszeit.

VIVAT

Ja mein Oppa dann kennt a jede
Koartn dutä immer mit n Karli un mitn Muh vun dä Hede.
Sei Arbeitsplatz war aufn Doch ganz om
Als Bezirksschornsteinfeger hot er sei Diplom.
Doch manchmal war es mir a graus
Ha Oppa wie kamst denn du zur Luken naus.
Un hasst dus werklich gschafft wie kamst du zurück
Macht da da Kopperfield sein Meisterstück
Oder biemte dich die Enterprise hin und her
Für mich ein Rätsel un dös ziemlich schwer.
Nun ja ich will net indiskret sei
Sünst is die Aussicht auf Taschgald vorbei.

Dann Ballack is heujä a so a Ding pasiert.
Hatt'n na denn net...., die Bull'n bei ara Beerdigung fast kassiert.

Bei sein Fastschwachä Bischoff hat a sich grad mit'n Spatn im Goartn als Totengräber zä
schaffn gemacht,
Die versetzn doch mein Grenzsteh!!!..... hot sich da Nachbä Matz gleich gedacht.

VIVAT

Dä Matz is ja salbä schö oft als Grundstücksstreitä mit dann Bischoff zammgäratn....,
Un denkt sich!!!!.....dös is doch mei Idee, mit dann Grenzsteh un dann Spatn.
Da Pete in dä Arbät vertieft un üm die Ausgrabung bemüht,
da hot dann Matz sei Telefonleitung schöä uf Hochleistung gäklüht.
Kaum hatt A..., dös rege Treiben dann Übäfallkomando in Hibu erzählt,
Da hattn die Bulln dann Ballack im Bischoff sein Goartn (obä a) schöä ümmstellt

Denn Grundstückstiebstahl im Grossen Stiehl un am halichten Toch,
da sänn die Bulln schnell...., dös ku ich euch gsoch.

VIVAT

Da Ballack vun Dannän im ersten Moment net grad entzückt,
hamm mir vielleicht Die....., die Tierschützä ufn Pelz gedrückt.
Obä die Tierschützä in dä Person dä Nachbarschaft,
ich wäs net....., wos hamm die sich bloos dabei gedacht.

VIVAT

Die Sicherheitsbeamtn weisen sich aus mit Dienstgrad Stammbaum und Kontonummä,
übä dann Blitzeinsatz!!!, konnt sich da Pete nur noch gäwunnä.

Wir süchn hier an korrupten Grenzstehschändä,
döss muß in dä Nachbäschaft sei, obä net hier uf dann Bischoffsgelände.

VIVAT

Da tun die Ordnungshütä geziehltä fragn.
Was machn Sie denn hier mit dann Spatn,
sieht mä döss net, döss könnt doch sicherlich a Ihr verstäh,
dass ich dahier grad dann Bischoff sein Rasen mäh.
Nu guckn sa staunend västört in dann Erdloch nei,
döss is doch a tota Katz, un wu söll da da Grenzsteh sei.

VIVAT

Un die Moral vun dann Katzenbegräbniss is!!!!..., döss könnt Ihr Wissen
Wa in dannän schlachtn Zeitn net uf dä Hut is,
wird fun sein Nachbä üm sein ächna Grundstück beschossen.

VIVAT

